



Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 30. Rurfus alii quinque novi episcoparus.

[urn:nbn:de:hbz:466:1-66305](https://nbn-resolving.de/urn:nbn:de:hbz:466:1-66305)

nensem, Doctorem Juris canonici, Custodem sacrarii nostri; oriundos omnes e A.C. 1317. regno tuo, tuisque commodis servientes.

§. XXX.

*Rursus alii quinque novi epis-
copatus.*

In provincia Burdigalensi Papa Joannes itidem divisit diœcesim Agin- nensem; sedemque novam in antiqua S. Petri abbatia Condomiensi posuit per diploma 13 Aug. 1317 datum: deinde 13 Octobris Abbatem ejus Raymundum Galardum creavit primum ejus Episcopum. Eodem anno 1317 Petrocoricensem diœcesim partitus novam statuit sedem in Sarlatino SS. Salvatoris coenobio Benedictino, quo corpus S. Sardoci five Serdoni Episcopi Lemovicensis translatum fuerat tempore Ludovici Pii. Hic Sanctus vivebat seculo sexto, & colitur 5 Maii. Papa Joannes per diploma 13 Jan. 1318 editum designavit limites Sarlatinæ dioceſeos; ac primum ejus Episcopum declaravit Raymundum Galliacensem in Albigensi agro Abbatem.

S. Florus Lutevæ primus Episcopus, cuius memoriae dicata est tertia Novembris, fuit sepultus in quodam Arverniæ H. su-

Sæcul. XIV. superioris loco , cui ejus nomen hæsit.
A.C. 1317. Ibi S. Odilo Cluniacensis Abbas sub an-

to. 2. p. 585.

Bal. to. I.
p. 758.

num 1007 condidit sui Ordinis prioratum, in quo Episcopum residere Papa Joannes XXII voluit anno 1317, partiens dioecesim Claromontanam, ad quam prioratus ille spectaverat. Huic sedi Papa impositurus erat Abbatem coenobii Auriliacensis S. Geraldo sacri, & in dioecesi nova siti. At recusanti suffecit Tiberiofanensem Agathanæ dioeceseos Abbatem. Anno dein 1318 pro eo substituit Priorem Florofanensem Raymundum Mustejulum ex nobili familia Rhutenensi: quem anno 1319 transtulit Papulopolim, & Cardinalem creavit. Divisit etiam Ruthenensem dioecesim, in sedem episcopalem vertens Vabricensem Dominæ Nostræ abbatiam Benedictinam conditam per Raymundum I Tolosæ Comitem. Vabrii Abbas Petrus Olargiensis factus est ejus Episcopus 1317.

Pictaviensem dioecesim in tres partitus Papa episcopales cathedras collocavit in abbatiis Malleacensi, Lucionensi- que. Priorem anno 1010 Guilielmus V Aquitaniæ Dux construxerat in honorem SS. App. Petri & Pauli. Posterior Dominæ Nostræ dedicata erat antiquior, quippe jam sub annum 877 a Normannis diruta; sed ante annum 1040 instaurata, incertum, cuius beneficio. Utrique per unum

Sup. lib. 58.
§. 58.
Chr. Mall.
p. 206. Lab.
bibl. to 2.

unum idemque diploma Tolosam missa Sæcul. XIV.
simillimum ac 13 Aug. an. 1317 datum A.G. 1317.
Papa tribuit, quod dixi, decus: utriusque
pristinum reliquit Præsulem sed pontificalia
dignitate auctum, Malleacensi Godefri-
dum Ponerellum, Lucionensi Petrum
Voirium: quos Cardinalis Berengarius
Fredolius Episcopus Ostiensis Avenione
consecravit die dominico ante festum S.
Catharinæ 20 Nov. eodem anno. No-
stra ætate Malleacensis cathedra Rupel-
lam translata est anno 1648.

§. XXXI.

Parisinae Universitatis maculæ.

Interim Papa de indignis rebus in Parisi-
nam, cuius ipse alumnus fuerat, Uni-
versitatem inductis certior factus ad eam
scripsit in hanc sententiam. Mira no-
bis sunt, quæ de vobis comperimus. A-
liqui vestrum doctrinæ laurea insignes
cœptam librorum explicationem per ne-
gligentiam aut levitatem animi non ab-
solvunt. Alii philosophorum opinioni-
bus addicti, dogmata fidei non vene-
rantur satis, vel saltem omissis rebus piis
ac utilibus inanes sectantur argutias.
Quidam expertes ingenii sine sufficien-
te examine in Doctorum ordinem re-
cipiuntur. Alii non frequentant sole-
mnes disputationes in Schola Parisiensi a-

Rayn. 1317.
n. 15. 1318.
n. 26.